

Wednesday Night Nach at Beth Abraham – Winter 5783 series

*One of Dovid's Greatest Grandsons:
Stories, Tefillos and Miracles of Chizkiyahu*

Exploring some of the spiritual growth, personal struggles and military miracles that marked the lives of King Chizkiyahu and Yeshayahu ha-Navi.

**חזקיהו המלך - ב'
מלכים (ב' פרק י"ט) – אשור וישעיהו**

(א) ויהי כשמע המלך חזקיהו ויקרע את בגדיו ויתפש בשק ויבא בית ה'.

(ב) וישלח את אליקים אשר על הבית ושבנא הספר ואת זקני הכהנים מתכפסים בשקים אל ישעיהו הנביא בן אמוץ.

(ג) ויאמרו אליו כה אמר חזקיהו יום צרה ותוכחה ונאצה היום הזה כי באו בנים עד משבר וכח אין ללדה.

(ד) אולי ישמע ה' אלהיך את כל דברי רב שקה אשר שלחו מלך אשור אדניו לחרף אלהים חי והוכיח בדברים אשר שמע ה' אלהיך ונשאת תפלה בעד השארית הנמצאה.

(ה) ויבאו עבדי המלך חזקיהו אל ישעיהו.

(ו) ויאמר להם ישעיהו כה תאמרון אל אדניכם כה אמר ה' אל תירא מפני הדברים אשר שמעת אשר גדפו נערי מלך אשור אתי.

(ז) הנני נתן בו רוח ושמע שמועה ושב לארצו והפלתיו בחרב בארצו.

(ח) וישב רב שקה וימצא את מלך אשור נלחם על לבנה כי שמע כי נסע מלכיש.

(ט) וישמע אל תרהקה מלך כוש לאמר הנה יצא להלחם אתך וישב וישלח מלאכים אל חזקיהו לאמר.

(י) כה תאמרון אל חזקיהו מלך יהודה לאמר אל ישאף אלהיך אשר אתה בטח בו לאמר לא תנתן ירושלם ביד מלך אשור.

(יא) הנה אתה שמעת את אשר עשו מלכי אשור לכל הארצות להחרימם ואתה תנצל.

(יב) ההצילו אתם אלהי הגוים אשר שחתו אבותי את גוזן ואת חרן ורצף ובני עדן אשר בתלאשור.

(יג) איזו מלך חמת ומלך ארפד ומלך לעיר ספרונים הנע וענה.

(יד) ויקח חזקיהו את הספרים מיד המלאכים ויקראם ויעל בית ה' ויפרשהו חזקיהו לפני ה'.

(טו) ויתפלל חזקיהו לפני ה' ויאמר ה' אלהי ישראל ישב הכרבים אתה הוא האלהים לבדך לכל ממלכות הארץ אתה עשית את השמים ואת הארץ.

(טז) הטה ה' אזנה ושמע פקח ה' עיניו וראה ושמע את דברי סנחריב אשר שלחו לחרף אלהים חיי.

(יז) אמנם ה' החריבו מלכי אשור את הגוים ואת ארצם.

(יח) ונתנו את אלהיהם באש כי לא אלהים המה כי אם מעשה ידי אדם עץ ואבן ואבדים.

(יט) ועתה ה' אלהינו הושיענו נא מידו וידעו כל ממלכות הארץ כי אתה ה' אלהים לבדך.

(כ) וישלח ישעיהו בן אמוץ אל חזקיהו לאמר כה אמר ה' אלהי ישראל אשר התפללת אלי אל סנחרב מלך אשור שמעתי.

(כא) זה הדבר אשר דבר ה' עליו בזה לך לעגה לך בתולת בת ציון אחריך ראש הניעה בת ירושלם.

(כב) את מי חרפת וגדפת ועל מי הרימות קול ותשא מרום עיניך על קדוש ישראל.

(כג) ביד מלאכיך חרפת אדני ותאמר ברכב [ברב] רכבי אני עליתי מרום הרים ירפתי לבנון ואכרת קומת ארזיו מבחור ברשיו ואבואה מלון קצה יער פרמלו.

(כד) אני קרתי ושתיתי מים זרים ואחרב בכף פעמי כל יארי מצור.

(כה) הלא שמעת למרחוק אתה עשיתי למימי קדם ויצרתיה עתה הביאתיה ותהי להשות גלים נצים ערים בצרות.

(כו) וישביהן קצרי יד חתו ויבשו היו עשב שדה וירק דשא חציר גגות ושרפה לפני קמה.

(כז) ושבתי וצאתי ובאך ידעתי ואת התרגון אלי.

(כח) יען התרגון אלי ושאננך עלה באוני ושמתי חחי באפך ומתגי בשפתיך והשבתך בדרך אשר באת בה.

(כט) וזה לך האות אכול השנה ספיח ובשנה השנית סחיש ובשנה השלישית זרעו וקצרו ונטעו כרמים ואכלו פרים.

(ל) ויספה פליטת בית יהודה הנשארה שרש למטה ועשה פרי למעלה.

(לא) כי מירושלם תצא שארית ופליטה מהר ציון קנאת ה' [צבאות] תעשה זאת.

(לב) לכן כה אמר ה' אל מלך אשור לא יבא אל העיר הזאת ולא יורה שם חץ ולא יקדמנה מגן ולא ישפך עליה סללה.

(לג) בדרך אשר יבא בה ישוב ואל העיר הזאת לא יבא נאם ה'.

(לד) וגנותי אל העיר הזאת להושיעה למעני ולמען דוד עבדי.

(לה) ויהי בלילה ההוא ויצא מלאך ה' ויך במחנה אשור מאה שמונים וחמשה אלף וישפיעו בבקר והנה כלם פגרים מתים.

(לו) ויסע וילך וישב סנחריב מלך אשור וישב בנינה.

(לז) ויהי הוא משתחוה בית נסרף אלהיו ואדרמלך ושראצר [בניו] הפהו בחרב והמה נמלטו ארץ אררט ומלך אסר חדן בנו תחתיו.